

Bures, Ol-Johan ja buot mielbargit!

## Oktasaš čájáhus Kulturviesus

Meahcceguovddáš lea hui ilus go viimmát lea čilgejuvvon geat galget veahkehit min ráhkadit čájáhusa. Midjiide lea hui vuogás ahte čájáhus šaddá Kulturviesus, gos mis leat iežamet čájáhusat ja kántuvra. Vuosttaš hástálus lea čilget gokko Kulturviesus galgá čájáhus leat, gos Meahcceguovddáža iežas čájáhus sáhtta leat ja makkár sadji ferte várret Beaivvázii ja eará doaimmaide. Mii leat geahččalan oážžut kontrávtta suohkanin Kulturviesu geavaheami birra, muhto suohkanis lohke ahte álggus mii geat galgat ovttasbargat oktasaš čájáhusain gaskaneamet fertet čilget gii ja mii sáhtta leat gos.

Mii áigut mitalit mii mis lea dál, mii sáhtta leat ođđa, bastevaš čájáhusa vuodđun:

Meahcceguovddážis lea dál čuovvovaš čájáhusat Kulturviesu feaskaris

A. Geologalaš čájáhus: 4 hildu geđgiiguin, 5x3+1 čajahusseainni (oktiibuot sullii 32 m<sup>2</sup> areála) oppalaš ja báikkalaš geologiija ja ruvkkid birra. Beavdi man alde leat bovreniskosat ja sáhtta leat mikroskopat.

(Dát oassi berre leat Kulturviesus bastevaš sajis, ja sáhtta leat oassin oktasaš čájáhusas, muhto sáhtta buoridit muhtin osiid.)

B. Eará fáttat: 3 čájáhusseainni mas leat 3 m<sup>2</sup> guđege fáttas: Šattut, Lottit, Guollebivdu, Boazodoallu, Guovdageainnu-Áltá-buodđun (3m<sup>2</sup> lea guorus).

(Dát oassi lea leamaš jođus ja jurdda lea sáddet dan fas johtui skuvllaide ja eará ásausaide. Ovdal go dahkat dan fertet dearvit guorus saji ja divvut veahá duos dás. Berre leat vejolaš sáddet daid ođđajagi rájes.)

C. Iežamet presentašuvnna: Unnit čájáhusseaidni (3 oasi oktiibuot sullii 2m<sup>2</sup>, beavddi nalde) mii čilge Meahcceguovddáža historjjá ja višuvnnaid. Lea dehálaš midjiide ahte Kulturviesus lea dákkár presentašuvdna, ja livččii buorre maiddái presenteret eará mielbargi ásausaide. Sihke sisdoallu ja hápmi berre ođasmahttit.

Meahcceguovddáža stivra lea mearridan ahte mii háliidit searvat oktasaš prošektii čájáhusain maid mii gohččudit "Guovdageainnu meahci riggodagat". Jurdda lea čájehit man stuora luondduriggodagat leat dáppe: minerálat, šattut, eallit ja mo dat leat leamaš, lea ja sáhtta leat riggodahkan olbmuide. Dat lea stuora fáddá, ja álggus sáhtta leat dušše oasis, muhto háliidit ahte čájáhus huksejuvvo dan láhkái ahte šaddá vejolaš viiddidit dan dađistaga.

Dán oasi vuodđu sáhtta leat govat ja govateavsttat mat mis leat min johtti čájáhusain ja eará govat mat mis leat neahttaesiiddus <http://meahcci.info>. Dasa lassin mis leat govat iežamet arkiivvas ja mis leat mánga mielbargi geain leat ollu govat mat eai leat vel min arkiivvas. Govaide mat leat čájáhusas lea juo čállon teavsttat sámegillii, dárogillii ja eŋgelasgillii, govaide mat leat neahttaesiiddus lea teaksta dábálaččat dárogillii, muhtin muddui sámegillii ja arkiivagovaide ii leat vel teaksta.

Mis leat sullii 450 girjji luonddu birra, ja muhtin dain girjjiin sáhtta sihkarit geavahit čájáhusas. Mis leat maiddai ollu geađggit daid lassin mat leat čájáhusas. Mis leat 3 mikroskopa ja dihtorneavvut, ee. guokte liigešearpma. Mis eai leat ollu eará diŋggat čájáhussii nugo bivdinneavvut ja elliid bázahusaide, daid ferte ohat eará gálduin.

Ekonomalaš dilli:

Mii leat dál čállime kontrávttaid ja máksime govaid ovddas, mat mii leat ožžon sullii 50 govvejeaddjis/ásahusaide, ja jáhkkit ahte mii geargat dainna dán mánu, nu ahte galgá leat čielggas ahte mis leat buot vuogatvuodát govaide maid mii diktet oktasaš čájáhusa geavahit. Mii leat ipmirdan nu ahte ruđas maid suohkan lea juolludan, de galget guovddážat oáččut mávssu dan barggu ovdas mii lea dáhkkon dainna maid diktet oktasaš čájáhusa geavahit, dat mearkkaša ee.

govat ja bargu čállit ja jorgalit teavsttaid. Mii sávvat ahte jođánit čilgejuvvo man ollu mii galgat oažžut, go mii eat beasa viidáseappot ovdal go mii nagodit báلكkáhít bargiid.

Goas mii álgit? Mii leat gárvvis álgit vaikko ihttin, ja sávan ahte dán vahkus beassat deaivvadit musihkafestiválain ja Beaivvážiin ja ságastallat viidáset barggu birra.

Ja loahpas: Ol Johana reivves nammaduvvo álbmotmeahceguovddáš. Mii leat čállán Anárjoga álbmotmeahci ja eará suodjalusguovlluid birra iežamet neahttasiiddus ja čoaggagoahtán govaid, muhto mii leat vuordán veahá dainna go háliidit čilget ovttasbarggu ja bargujuhkima Álbmotmeahcestivrrain ja -hálddašeddjiin. Mii jáhkit danin ahte dán oasi berret mañidit ja ahte sierra álbmotmeahcečájáhus ii šatta mielde vuosttaš oasis mii galgá leat gárvvis 06.02. muhto ahte mii sáhttit geahččalit dahkat dan boahte ceahkis, omd. 2010 čavčča.

Dearvvuodaiguin  
Guovdageainnu meahceguovddáš

Karen Marie Eira Buljo  
jodiheadji

Svein Lund  
čállit